

լիան հարաւոյ, և անդր քան զայն անտառ իմն՝ որպէս թուիւր ծառախիտ, անդ եզերեցի գնալ, թերեւս ընդ թաւ սաղարթեաւ ծառով իմիւ նպաստաւորիցէի ի յորդովթենէ անձրեւոյն՝ որ ստիպէր: Բայց հասեալ անդէն՝ գտի զընդդիմակն. զի ոչ միայն ցանցառք էին ծառք, ոտք նոցին և սաղարթք, այլ և ի ներքոյ նոցա ջուր ծովացեալ յանձրեւոյ, գլով տեղին գոգ և զիւճային մարգ: Վրիպեցեալ ուրեմն ի յուսոյ, հարկեցայ դիմել և անդր, գուցէ ուրեք գտանիցիւր սիոփումն. և ոչ էր. այլ և մառախուղ թանձր շրջաղեղաւ, թէ և անձրեւն մեղմացաւ, և հողմն ցրտաշունչ յարեաւ. որով պատճառաւ մոլորեցեալք և թափառականք՝ այսր և անդր շրջաբերեցեալք ընդ խորափիտս, ձորակս և հեղեղատոս, մերթ շաւղօք մերթ անհետիւք վայրօք տատանեցաք մինչև ցհասարակ օր, որպէս համարէաք: Ապա մառախուղն մերժեցեալ, այլ անձրեւն յորդեցեալ՝ նշմարեցի զիմն ի մէջ խարցին՝ մարդանման. և մինչ զանգիտելով գտեղի առեալ յղեցի զօպատաւորն ի զնին, պատուիրանաւ զգուշաբար հպելոյ և տնտղելոյ, ահա կոճ ծառի էր. տես, թէ երկիւղն զինչ ոչ երեւակայացուցանէ մարդոյ:

Աստ կալաւ զիս տարակոյս մեծ՝ ի խորհելն զներկայն և զօպագայն. զի անձրեւել ոչ դադարէր. զի զգենլիք ամենեքեան թացեալք մինչև ցապիկ՝ ծանրացեալք էին ի վերայ իմ, յորոց կաթէր ջուրն. զի ցուրտն ստիպէր, զի շինութիւն ուրեք ոչ երեւիւր, ի նպաստ այնքանոյ անձարակութեան. զի տեսանէի զճախին ընդարձակ ի ձորակին՝ ընդ որ անցանել մարթ էր, որ ինձ էր անհնարին. զի գտեղի առնուլ զանգիտէի, գուցէ ի ձեռս Պաղտանցւոց աւալակաց կամ Սվետաց ցրուեցելոց ամենուրեք յապուր՝ անկանիցէի: Ի մէջ այսպիսեաց ուրեմն վշտաց փաղակացեալ, մինչ վարանէի տխրագին, սպասաւորս՝ որ էր առոյգ և ուժնդակ երիտասարդ, քաջալերեալ զիս՝ էառ ի շալակ իւր՝ իբր զտղայ իմն, և անցուցեալ ընդ ճախինն, և հանեալ ի վեր ի բարձրաւանդակի միում զետեղեաց. ինթէրիմ (մինչ այս մինչ այն) անձրեւն սկսաւ նուազիլ, և դադարեաց հողմն: Ամբարձի պաշս ի բլրակէ անտի շրջահայել, և ահա շինութիւն իմն ոչ հեռի ի տեղւոյն երեւիւր. և ուրախացեալ հանգեայ անդէն սակաւ ինչ. և նկանակ մի հացի ընդ սպասաւորին կերի. և յարուցեալ դիմեցի ի շէնն, համարելով գտանել զգիպաւորութիւն իմն: Իբրեւ շրջապատեցի զբլուր պատուարն՝ որ մեծ արդեօք էր, և հասի ի դուռն, ծերունի ոմն պատահեցեալ՝ հարցմանս պատասխանեաց. Այս գերդաստան տեսուն Աիւմօնօվիցի դատաւորին Ղէօպօլոյ է, և չիք ի ներքս ոք, և տունքն ամայիք են. բայց եթէ խոնարհագոյն զիջանիցես՝ հուպ արդեօք է գեօղ. և թերեւս գտանիցես զիպաւորութիւն ի նմին: Ապա զիմեցի զառիվայր, և զիպեցայ լճի, որոյ ի ծայրն երեւիւր գեօղ մեծ. այլ ծուխ և ոչ մի ելանէր, և զարմացայ. թանտեմ (tandem, և սակայն) գտեալ զկոպար լճին, անցի ի գեօղն. և շրջեալ ընդ տունս բազում՝ գտի զդրունս քակեցեալ և զոչ ոք ի ներքս. և վհատեցեալ նստայ ընդ խոտաղիզաւ միով ի հանգչել. և յղեցի զօպատաւորն որոնել ընդ ամենայն շէնն, թերեւս գտանիցիւր ոք որ ժողովիցէր